

松陽縣志序

松陽置縣始於唐自唐迄宋廢置更改不一元始定名歷明清不改至於今六七百年志則始於明隆慶間至清順治甲午一修乾隆戊子再修光緒乙亥三修其間相距至久者百餘年耳自光緒元年至今五十餘年邑之賢士大夫又謀所以重修之問序於余余惟志之爲書貴乎詳實當宋之世粗具其概明雖略備志體未精清精矣而多所諱地產名物恐責貢獻累及細民則皆隱而不書龍泉光緒志之於磁器載爲不產龍泉且質麤色惡日益不堪其故可思矣其他地志則山無脉絡水無源流支離粉碎讀

松陽縣志

卷首

新序

一

之者不得要領物產則羅舉名目而無所產之數目數十年後有何比較獨於人物則凡有名者附會而牽引之究何裨於後人此實向來縣志之通病也松雖小邑多平原富米穀風俗淳厚士大夫以文名者踵相接今既重修深望有以掃舊志之弊則後之來者將據是書以爲水利農田振刷之張本日益發展其爲利不既溥乎予分此巡邦凡有修志者皆以此告之俾知政體更矣正宜直書毋多所諱飾也

中華民國十四年重陽節甌海道尹張宗祥謹序

松陽縣續修志序

唐杜佑輯禮樂兵刑食貨選舉職官州郡邊防諸門而為通典宋鄭樵廣之而為通志元馬端臨因之而為文獻通攷其寔皆政書也今孫各有志其例大都取諸三通列版輿以分疆域記裡祀以昭禮典詳賦役以重國課載學校以敦教化傳篤行以資楷型選藝文以

觀國風采風俗以覘習尚載官秩以明職守凡此犖犖大端詎就統有爽於政事哉歲乙丑豐元 / 檄宰松下車之日即訪邑之志以為敷政之準士大夫以新修告且以參訂相屬由是得畢免舊帙新編徵其人物文獻名宦經師節烈孝義往往不絕 / 地處萬山中交通閉塞而名城鉅邑殆無過之既而按部行鄙

身所經歷及訪詢父老耆宿閱見所及知松山峻而轟水冽而清土鬆而厚氣候平而溫物產饒而庶風俗質而古為政者苟能因地制宜隨時利導本已成之風俗而設計教育取固有之物產而振異工商用天然之氣候而改良農業探礦產辦土宜異水利是則山陬小邑將為天府之邦然／嘉惠一隅猶可推利於全國

豐元不寸窃有意於斯惟朝夕東西官如传舍益以時局變遷干戈／攘迄無寧歲催科索賦迫促簿書以言生養盖有待也然自改革以來政治典事教育法制沿革損益多所變更甚或朝布夕廢者又不知凡幾不有紀載何所徵考松之有志前此或百餘年一修今雖相去五十餘年而增訂刪節者視昔或過之乃知世

界交通文化激進紀載日繁之理為可信
斯志之輯為不可緩也今于其書之成
並弁數言以為之序

民國乙丑年冬至後二日

湘潭秦豐元章甫謹撰并書



續修松陽縣志序

縣之有志猶國之有史董狐直筆自古尚矣孔子作春秋一字褒貶褒鉞千秋何其嚴也我松縣志修自光緒紀元迄今積五十餘載閱世兩朝制度典章時有損益聲名文物不少留遺稍涉鋪張幾於美不勝收又況傳記文詞更多沿襲一經開辦投稿紛紛倘棄取不嚴則瞻徇於一時必貽訕笑於後世秉筆者難矣予自通籍後一行作史學殖荒蕪達於極點謬承縣議會舉爲總編輯屢辭不獲心滋愧矣惟有遵依舊志以繼續纂修爲宗旨不稍踵事增華全憑各訪稿與同事諸君悉心考覈重加釐訂事取其

松陽縣志

卷首

新序

五

實筆主於嚴非敢自謂信史也冀稍免訕笑已爾審編既定特紀其緣起至弁冕簡首則更求諸大雅之鴻文時

中華民國十四年乙丑端陽總編輯邑人高煥然謹書

順治王序

有一書而爲千秋之袞鉞數言而關百代之興衰者郡邑之志乘是也自春秋之義隱南董之筆絕尊月旦者成家言務標榜者爲一時尚烏足以定信芳而甄蕪穢哉况人心與時升降世俗與道變遷又不可以意臧否上下古今也余蒞栝三載幸無過舉獲與十邑諸賢共事茲土靖烽壑而崇文岫一時治化文風咸率然丕變爰取十邑之書而攷核之可以興可以觀一時口碑千秋人鏡藉以鼓勵人心興起教化者端有是賴而烏可以旦夕緩因進諸令而亟商之松首慨然倡行之禮賢選能鳩工庀材自明

松陽縣志

卷首

舊序

六

隆慶以迄於今闡幽發微窮山極谷靡不選取而揚挖之屹然爲一邑偉觀山川之未備者今較周悉制度之未全者今較詳密棠陰之遺愛品隲之流芳今較嚴於入而惜於出他如登臨之勝概擲地之藝藻俱較廣蒐而博拾之雖荒烟冷篆破礎頽垣均得於流覽醉心洞如指掌真古史之貽休也願蒞茲土者與居是邦者共守茲軌而倍厥修則於是書之後又不止今日之華袞與一時之芳薰已也順治甲午知處州府事陽城王崇銘撰

順治佟序

政有似急而實不得不緩者今日之簿書與賦稅也政有

似緩而實不容不急者今日之學校與聲名文教也偏天
下皆然浙爲甚全浙皆然松尤甚卽如邑乘一書百制俱
備儷典於國史今且自明之隆慶刊後八十餘載未有修
復板帙殘闕已成故紙今天子購書首先是問各臺蒞任
必索以偕憲綱俱進每進時持檄呼倬寂無以應民間之
素稱藏書者兵餘亦不能復得余慨然欲奮其事又承郡
侯大人之命因投袂而進賢集事凡八閱月始竣工未備
者登之踵事者藻之未顯者暴而與眾膾炙之玷闕者瑱
而瑩澤之山川雲物人倫治道以及蟲魚草木靡不煥焉
改觀犁焉畢具於是舉也母負於諸大人之任使與松之
父老矣緩所急而急所緩其有至不得已者存乎中政有
先後若以余爲急者後而緩是圖心滋戚矣順治甲午知
松陽縣事佟慶年撰

乾隆倉序

古者外史掌四方邦國之志則志亦史類也顧史以昭千
秋之袞鉞而志則樹一邑之風聲凡例較別司令者職兼
風化而義取表彰衷舊典而續新編以期流芳久遠是誠
良有司之亟宜先務矣處郡固浙東奧區纂修爲急而松
邑舊屬白龍古地密邇郡城之西偏一溪沿溯聲教猶爭
先樂觀按其地崇山鳥道商賈不通賴土膏之繡錯較饒

九縣生其間者食舊德而服先疇秀鍾蜿蜒鬱積之奇諒
不僅竹箭松杉足以當之後來居上定有偉人矧際我國
家觀文成化之時都人士涵育薰陶蒸蒸日上進各憲蒞任
維新卽取郡縣志乘以資納賈陳詩之采訪松雖小而徵
文攷獻均待摩編余客冬因公戾止適縣令曹公稟呈所
次纂補邑乘請序言以付剗余嘉公之知所先務竊幸
其相與有成也憶自丙戌夏恭膺簡命來守栝蒼甫下車
卽以率屬奉公爲策勵數月中稔知公辦事精勤志圖向
上曾經詳請幫辦青邑越工越明年公復請捐建大堂繼
此循聲善政如平治道梁及捐修牌坊營廟之次第舉行

松陽縣志

卷首

舊序

八

者成迹昭然向已班班可考邇來時豐政簡簿書之暇猶
加意培風余披閱之下見夫山川風景節義文章向之天
造地設人經論定者今仍舊貫其他時至事起因地制宜
一切官秩賦役之乘除人文學校之鬱蒸與夫禮儀習尚
之踵事增華以及橋渠寺觀戶口都庄或昔是而今非暨
向無而僅有者悉皆若網在綱有條不紊至百餘年來其
間孝子仁人義夫節婦猶爲風化攸關靡不搜羅罔闕以
之發潛德而燭幽光使後來者知所趨向卽或科甲流風
於今少歇而深山邃谷諒不乏窮經積學摘葩採藻之儒
秋實春華亦都收采以備盛朝論秀書升之選列其目錄

分門者十有二類謹嚴則倣班氏之藝文記序畧規史遷之列傳公之知所先務節節皆綱舉而目張直與省郡諸志備同攷核異日者聖天子策命輶軒問俗浙東展此編也瞭如指掌知必有繪圖入告犁然可登風俗之書者卽以斯志操左券焉可也余固樂得而爲之序乾隆己丑正月知處州府事中州倉聖潢撰

乾隆曹序

邑之有志蓋仿周官土訓道訓遺意守土者各以其所覩記筆之於書以志一方之籍以備輶軒之采昔朱文公蒞南康甫至輒問郡志君子謂其知所當務志不綦重矣哉

松陽縣志

卷首

舊序

九

松邑在括西上游羣峰聳翠盤鬱嵯峨澗水縈紆迴旋環繞民多質樸俗尙節儉邑雖小悠然有淳厚之風然而平陂險塞之區變通損益之故彰瘡旌別之義不一一有志之司民牧者何以觀風悉隱而措之裕如乎余自下車以來披閱舊志率多滂漉殘缺梨棗所登已半飶蟲鼠之腹矣蓋舊志自順治甲午歲修訂後迄今百有餘年未經修輯因思有志而聽其漫漶殘缺則與無志等矧國家久道化成休養生息多歷年所今天子軫念民瘼省方問俗東西兩浙疊被恩施松雖叢爾僻在浙東然而山川之景色民物之繁庶視昔迥不相侔矣烏可斤斤焉執舊冊以

求之歟余幸政有餘閒爰以修志事商之學博胡公及邑中紳士僉踴躍稱善乃延聘錢塘孝廉潘公開局於縣署東偏廣徵見聞蒐討裒輯以舊志爲本而參諸府志及鄰邑志統之以綱繫之以目首紀輿地次詳賦役稽學校之規制考建置之廢興至若采風俗之宜昭禋祀之典列官秩以紀其賢能序選舉以標其雋彥人物有志則獎勵備矣兵制有志則衛禦嚴矣而且博采藝文蒐羅雜事共爲書十有二卷余以公餘之暇往復叅訂疑者核之舛者正之凡向之漫漶殘缺者皆得而增新焉所謂志一方之籍以備輶軒之采區區之心於是乎在若云知所當務以效

松陽縣志

卷首

舊序

十

法前賢余則奚敢乾隆三十三年歲次戊子十一月望日知松陽縣事山左榆關曹立身撰

乾隆潘序

余籍隸錢塘習聞栝蒼諸山水之勝神遊其間者久矣然以地僻道迂未得一至而遊覽焉戊子歲松陽邑侯曹公郵緘來招遂欣然束裝竊幸夙願之可酌也甫至境見層巒疊嶂邃谷懸崖竹木森秀溪流奔瀑景趣幽曠目不暇接既至邑又見夫俗多淳樸不事華侈用以知民風之近古而賢邑侯之設施已可畧見矣及公接見握手之下歡若平生又時以其所作詩文來教舂容大雅卓犖不羣讀

其文復覘其行洵知公爲榆關名士才猷敏練有古循吏風政不第以文辭之末馳騁乎翰墨間而已也旣而公以重修邑志事見屬余惟志史類也昔扶風易書爲志觀其藝文溝洫食貨諸篇典則詳贍莫可彷彿而後人猶以畧於事實詳於浮言譏之作志之難也如此是知人作一代之史必具有一代之識然後是非明而褒貶定作一代之志必萃一邑之觀然後疑信判而考訂詳余旣謏陋無文而松邑舊志又復漫漶已久乃欲於簡編蠹蝕之餘求品隲研核之當不綦難哉迺再三辭不獲已爰於志局中焚膏繼晷早夜孜孜惟恐忘已事之拙而又不敢苟且云爾

松陽縣志

卷首

舊序

十一

也於是本諸舊志証諸府志且參之鄰邑志綜覈紛紜博徵聞見訂其舛誤增其遺軼事取其覈實者辭汰其繁複者每一稿就與公徃復參互不厭精詳凡四閱月三易稿而書成展卷之下其山川勝境向之神遊目想者茲得備覽無遺焉而公殷殷之意且得於簿書期會間從容閒暇以潤色太平之盛事其才猷練達不益見於此哉至公之惠政循聲卓卓表見者口碑具在茲不復贅乾隆三十三年歲次戊子十一月中浣錢塘潘茂才頓首拜序

光緒潘序

昔邱文莊公云世有千載不刊之書無百年不修之志蓋

一邑中疆域之廣輪山川之扼塞戶口之登耗人才之生聚以及考官師審習尙詳賦役別土宜悉於是乎書上準是而修政則因地制宜補偏揀弊可漸臻上理下鑒是而興行則安土敦仁聞風嚮義可蒸成善俗其關係固甚重斯修輯不容間缺松陽隸處州占名最古其地近接三衢遠連江右雖山陬小邑實衝要區也咸豐間粵匪三犯郡垣皆自衢闌入松獨先當其厄罹害酷焉時鄉民糾合義團同仇敵愾忠魂毅魄更未容任其湮沒不彰者同治庚午秋余奉命守栝越明年支君壽伯來任縣事余稔知其懷吏治才夙負能名曾歷權大邑皆溢溢有聲茲與同舟

共濟深喜相理得人矣初謁余爲具道松之風土民情與教養數大端並以志書屬先務焉支君唯唯去蒞松後察看地方詢謀庶士則僉謂是志之宜修而猶未能遽修也有學校在漉漫將傾矣非立名教之基乎各祠宇葺治未完何以展明禋之典他若聽政之庭明倫之地亦風雨飄搖矣此皆亟宜營構也及今不圖後將事倍功半已支君遂悉如眾議籌貲度木工相繼告落乃從事於志書與校官博士分任編摩所革所因或筆或削均手自釐定迄兩年而稿脫問序於余余謂修志之難流弊有三采錄不根其病也蕪摘艷摛華其病也靡請託徇私其病也穢茲覽

是書例言知體裁悉本先民而其於人物不妄登名賢之
目甯嚴無濫於藝文則專收掌故之門甯隘無侈至忠孝
節烈則爲大書姓氏甯詳無漏宦績武功必孚輿論公評
甯質無誇其足以信今傳後詎待余贅詞乎哉支君現已
報政三年奉大憲量移繁地喬遷將有日矣余媿無以寵
其行今喜其志之成願以治松者治劇邑焉異日事功彪
炳勳業爛然上與史冊相輝映將千載名垂不朽固不僅
一邦之文獻修明爲足罄其底蘊云爾是爲叙光緒元年
乙亥春仲月處州府知府元和潘紹貽撰

光緒支序

松陽縣志

卷首

舊序

十三

凡事歷久而不成者大抵畏難而不爲者也松志之成於
今日也豈無故哉辛未春余宰斯邑首以志乘爲問蓋自
乾隆戊子迄今百餘年未經修輯其間迭遭兵燹舊刻半
付劫灰完冊無從覓購守缺抱殘將何以信今而傳後顧
自下車以來諸廢未舉欲修不遑也厥後多方規畫文廟
及祀典中之各祠宇或造或葺以次告竣兩學之衙齋本
署之廳事又皆捐俸以倡闢荆榛而復舊制矣比歲豐收
獄訟寢息適奉憲檄以志事責成各屬徵文攷獻此其時
乎爰集諸紳籌商僉謂盛哉美舉洵吾邑之幸而其事抑
有難焉者工費浩繁眾擎乃舉而有力之家非素有遠識

輒以是爲不急之務則集資難老成代謝案牘蕩然非深得信以傳信疑以傳疑之旨片言憑臆流弊滋多則秉筆難前此諸邑侯欲爲而不果者職是之故然則竟任其不成也可乎哉余乃開陳公義諄勸樂輸稍有成數卽行設局有不足仍隨時集腋以濟惟經費旣絀重聘無資遠延名手曷云能來倘精益求精不且難而又難乎余不揣謏陋勉與在局諸君子互相商榷分任編纂就其闕者補之續者增之今昔互異者分類添註之而於舊志之綱目規模未敢大有損益雖苟且簡率自知不免但百年來故實遺聞亦稍稍完備矣是役也經營兩年甫得蒞事假令知其難畏其難不復毅然以爲之則再閱百年亦何自克觀厥成哉故幸其成而誌其難如此光緒元年歲次乙亥春三月松陽縣知縣丹徒支恒椿撰

續修松陽縣志纂修銜名

督修

前任 甌海道道尹 林鷓翔

前署 甌海道道尹 沈致堅

現任 甌海道道尹 張宗祥

主修

前任 松陽縣知事 呂耀鈐 武伯庸

前署 松陽縣知事 陳訓舒 閩玉潭

現任 松陽縣知事 秦豐元 湘章甫

協修

松陽縣志

卷首 纂修銜名

十五

松陽縣議會議長 葉秀桂 馥齋

松陽縣議會副議長 周士元 贊唐

松陽縣議會先議員 葉成圭 封之

松陽縣議會議員 潘文波 春臣

松陽縣議會議員 溫紹真 耀卿

松陽縣議會議員 葉中 劍夫

松陽縣議會議員 蔡宗堯 廣唐

松陽縣議會議員 高自卑 一飛

松陽縣議會議員 闕廷 桐齋

松陽縣議會議員 蔡志成 甘蓮

松陽縣議會議員

浙江省長公署及實業廳諮議省自治代表

朱光
春祺

分修

松陽縣參會前參事

通俗講演所
清廩生

葉有麟
昂青

松陽縣參會前參事

前勸學所
清廩生

劉紹寬
厚齋

松陽縣參會前參事

毓秀高校畢業生

潘沂
零士

松陽縣參會前參事

師範講習所畢業生

徐佐
仲才

松陽縣參會前參事

安定中學校畢業生

林葆桂
馨之

松陽縣參會參事

連成師範畢業生

潘宗訓
子衡

松陽縣參會參事

浙江省長公署諮議
法畢業生律師

宋思璟
佐唐

松陽縣參會參事

前縣農會會長

葉銓
金全

松陽縣志

卷首 纂修銜名

十六

松陽縣參會參事

甌海道聯合縣
立師範畢業

丁華
仲英

編輯部

總編輯

清進士前署廣東欽州直隸州知州
清陸用知府松陽孔教分會會長

高煥然
昕齋

分編輯

清拔貢生前署嘉興縣教諭
前毓秀校長中學師範教員

許作舟
瀛士

分編輯

清歲貢生候選訓導

徐文清
子泉

分編輯

清附生

潘尙文
成周

分編輯

清廩生

葉有麟
昂青

測繪

麗水植基高等小學畢業生

高自珍
一枝

畫圖

丁光
永明

事務部

坐辦

現城區農會會長
許士周
復齋

會計

現任教育局事務員
葉慶華
秀哉

書記

松陽縣立師範講習所畢業
潘學庠

庶務

前縣自治委員
徐謙
虛齋

繕寫

松陽自治研究所畢業生
何嶽
萃峰

校對

浙江省立甲種農業學校畢業
許廷佐
子襄

采訪員

清附生
潘起芹
采之

采訪員

清附生
吳朝鼎
彝卿

采訪員

清附生
張增榮
耀哉

采訪員

宋思暄
仲敏

松陽縣志

卷首 纂修銜名

十七

采訪員

麗水植基高等小學畢業生
夏以松
鶴亭

采訪員

王尙文

采訪員

石倉區學務委員
闕應麟
華生

采訪員

教育局事務員
陳錫周
華生

勸募員

城區自治委員
潘淮
雅軒

勸募員

縣自治委員
潘錫璋
琛齋

勸募員

古市區自治委員
葉葆桂
攀之

勸募員

清附生
潘益謙
受之

勸募員

五都區自治委員
葉仙芝
德三

勸募員

五都區學務委員
葉景高

勸募員

宋紹文

勸募員

蔡錫周

勸募員

靖居區自治委員

沈有斐

勸募員

麗水植基高學校畢業生

葉 蓁

勸募員

大竹溪區自治委員

闕聚華

勸募員

清附貢生

潘作霖
雨人

勸募員

石倉區自治委員

闕起藻

勸募員

清附生

蔡翊周
光卿

勸募員

玉巖區前自治委員

葉永滋
德潤

勸募員

玉巖區自治委員

楊士良
蹶仙

松陽縣志

卷首 纂修銜名

十八

續修松陽縣志凡例

一因沿舊志謂之續修自與創造不同細閱舊志其體例文辭雖亦有未盡妥善之處然既云續修勢不能改絃更張惟於近今事實則增續之現時習尚則修正之一舊志原文間有錯舛者必細加攷核確有依據方敢酌改一二否則謹遵史闕文述不作之旨悉仍其舊不敢率爾操觚

一此次續修章程原定自光緒二年起至民國十一年止今已延期至十五年其在光緒元年以前之事例不得入然或果有畸節懿行古蹟名勝爲前人所遺漏者亦

松陽縣志

卷首

凡例

十九

必確實可憑萬不至瑜瑕不掩方可酌采補登

一舊志首圖分野今之發明地理學者謂分野爲無據本應刪除惟疑以傳疑姑仍其舊

一舊志達府達省達京各圖均非測繪而成與其徒存意想不如付之闕如今一概從刪僅繪縣城縣境二圖雖未盡詳悉而大致不差並附說明以憑稽考

一舊志十景圖案之今蹟未得十之二三且未紀其所在地疏略過甚今逐一履勘重爲摹繪統加說明庶便後人攬勝尋芳不至日久湮沒

一補繪學宮全圖及毓秀校舍圖各綴說明俾知締造之

難以防侵佔之易

一教育本學校內事舊志學校門注重學宮禮儀旁及書院資產於教育則擇焉不詳今仿定海志例增教育一門以現在奉設教育各局會及各等小學校悉隸之一議會學堂警察與各機關局所暨各國教堂舊志所無各從類增入之

一畢業生查照新登縣志比照五貢例限以中學以上暨甲種實業爲限其餘不列惟中學亦指舊制高級中學而言若新制初級中學與初級師範及其餘速城各科均不得與焉今以此項畢業生比例五貢增入選舉志

松陽縣志

卷首

凡例

二十

後

一現在科舉既廢議員實爲選舉正階亟應增入選舉門各縣新志亦然惟於其餘各局所長員不與再以五貢及高級中學比例則議員僅得以省縣爲限其區議員與區自治等員相等今分別登載以示等威

一舊志文職列仕宦門武職則附列武功門殊爲軒輊今將武職並列於文職之後惟舊志不論文武僅載實官實任不載差委今仍之

一舊志文武仕宦不紀差委今各自治委員及各學校局所長員亦皆差委性質自不得與列乃人爭以入志爲

榮幾若有一登龍門聲價十倍之思紛紛投刺未便峻
拒今擬另增續編一門附於選舉之後俟各縣新志告
成援照刪留庶免招尤

一舊志人物類各人小傳雖名宦大儒不過數十百字而
已茲續各人亦僅得書其大者其餘尋常小節及不實
不盡之事一概刪削又生不立傳生存人例不得入如
有卓行須俟後來

一節婦遵照褒揚條例自三十歲以內守節至三十年方
得入其採訪不注明守節年限及不合例者一概從刪
查處州府志及定海志例列女祇書姓氏及守節年數

松陽縣志

卷首

凡例

二一

不爲立傳誠以貞孝之德大都從同其說誠然今各訪
稿節婦小傳均大同小異殊不耐觀無如舊志已然姑
從之刪繁就簡俟再續修

一通志前例現存名人雖有佳作一概不錄如有著作或
專集但記其書目而已惟傳記有關掌故及地方利弊
者不在此例然斷不得濫收

一金石最有關於掌故今另立一門將舊志所載碑記鐘
銘摘入於此並摻羅古蹟及近今石刻文字較佳者依
照括蒼金石志例循其年代先後序次之

一舊志括蒼括字均誤作括殊失廬山真面案括係木名

處州地勢由蒼栝山而來因木名山因山名地此栝州所由稱也如松陽在長松山之陽因山名縣亦猶是耳今凡遇栝字悉改用木旁並查文獻通考及隋唐諸書所稱栝州亦皆从木者想必無訛也

一舊志分十四門計十四卷今增教育列女金石三門而併去禋祀一門分十四門爲十四卷其條目則互有增減以今昔殊制風尚所趨各有不同非敢自逞臆說矯異前人也

一查照議案凡捐修志經費壹百元以上者請道給獎伍拾元以上者請縣給獎併得登志茲標其姓名叙其獎

松陽縣志

卷首

凡例

一一一

例一律登載以資鼓勵而誌不忘

一生存人著作內有卓卓可傳者惜格於例以致割愛今擬另置續編擇尤補編俾免散佚以廣流傳下次續修仍堪采入

一此次續修歷年既久新法尤多採訪原難究心編纂更形棘手滄海遺珠在所不免而且習尚浮夸競相標榜聲聞過情容或有之失寬之咎誠亦難辭然善善從長亦未始不可表勵末俗也有識者尙其鑒諒之

松陽縣志總目

卷首

序言 纂修銜名 凡例 目錄 圖說

卷一

輿地志 目七

分野 沿革 附都莊 疆域 形勝 山川

古蹟 坑冶

卷二

建置志 目八

城池 衙署 附局所機關 舖舍 壇廟寺觀 附

松陽縣志

卷首 目錄

一三三

裡祀

市井坊塔 橋渡 附涼亭 塘堰 附隄堞

塚墓 附塔院

卷三

賦役志 目六

戶口 田糧 賑恤 賦稅 積穀 鹽法

卷四

學校志 目七

聖訓 學宮 位次 禮儀陳設 附新制 名宦

鄉賢 書院 附舊學田 鄉飲賓興

卷五

教育志 目五

學校教育 社會教育 教育機關 教育款產

各國教堂 附宗教

卷六

風土志 目六

習尚 禮制 歲時 物產 方言 畚客風俗

卷七

官秩志 目三

秩統 職官 政績

卷八

松陽縣志

卷首 目錄

二四

選舉志 目十

進士 舉人 徵辟 貢生 職監 武科

仕宦 附武職 封蔭 議員 畢業生

卷九

人物 目十二

理學 忠義 廉正 經濟 孝友 篤行

文學 尚義 隱逸 藝術 流寓 方外

卷十

列女志 目四

孝節貞烈 附良妻賢母 義淑仁慈 女士 附女

校畢業生

仙姑

卷十一

兵制志 目二

兵防 紀事

卷十二

藝文志 目六

疏記 序 賦 詩 書目

卷十三

金石志 目六

鐘銘 印璽 塔磚 磨崖 石刻 碑文

松陽縣志

卷首 目錄

二五

卷十四

雜事志 目四

災祥 靈異 拾遺 辨訛

卷末

跋語 捐戶芳名 校勘記




松陽縣志

卷首 圖說

我松雖僻在山隅而土田之廣村戶之繁實甲他邑合全境而計之東西相距一百二十里南北相距一百四十里東南至西北亦一百二十里東北至西南則一百八十里面積一千八百四十方里領鄉六里二十九都二十六圖四十八領村莊八百有奇若逐一填繪限於篇幅非但不能周詳抑且模糊難辨茲計其道里環以界綫中分八區僅填都名俾一目了然至其餘村莊名目則詳載疆域門不難案圖而索也


松陽縣城全圖



松陽縣志

卷首 圖說


松陽縣治向無城僅築城門六自北至南脩二里東至西廣里許東郭伸而西市縮南街尤長似仙人赤腳形舊說以爲似美女形者誤也中分三十四社民居稠密店戶繁盛殷富甲於四鄉而蓄積穀米者爲尤多亦山縣中之佼佼者每逢一六日爲市熙熙攘攘頗有肩摩轂擊之勢近年食用昂貴數倍於前謀生之難亦逾疇昔既庶何加是在加富加教者加之意爾



松陽縣志

卷首 圖說

松陽文廟自萬曆年間遷復城中屢經修建或獨助或協捐不知幾費經營而始有此景像至於附屬基地或侵佔或私售不知幾經評論而始還我故物載在志乘歷歷可考茲當民國改元學官裁撤儒學舊署暨尊經閣明倫堂雖為各機關所借用而學宮範圍以內之地已奉學部批明永遠歸孔廟管理不得任人侵越有案可稽今特詳繪全圖俾後人披覽弗忘保守有據並以知前人締造之難而尊崇聖域之心油然而靡已也



松陽縣志

卷首 圖說

縣立第一小學校初為毓秀高等小校其校址在城北天后宮術係由舊明書院遺址改葺而擴充之或添購民房或捐撥改造新志已詳誌之惟規模既廣修整為難主購屢更管保匪易茲圖將禮堂操場教學各室以及廳園庖廁計三十餘間逐一填繪俾典守有資而興修較易若能再加擴充雖古之鹿洞鵝湖亦不多讓矣

松陽附城十景總說明

附城十景釐訂於何時舊志無所考清乾隆間邑令曹立身題之以詩其名乃定然未有次序也迄今二百餘年興廢修改相差甚遠特富天工者變更少美人工者遊覽多茲故先叙天工而後人工以定其次序焉如望松夜月首揭松陽之名因列爲第一景雲巖石屋峭壁天成建築華美列爲第二景石筍仙踪雙峰矗天仙居雅潔列爲第三景凌霄嵐翠山境清幽層臺高峙列爲第四景百仞雲峰孤巒獨聳下臨清溪列爲第五景塔溪綠漲江天一色地是景遷列爲第六景柳池魚躍近在城隅雖已頽壞尙饒

松陽縣志

卷首

圖說

三十


幽致列爲第七景梅墩春色墩已無存梅又疏落僅有延慶寺塔峙立不移爲可想像列爲第八景郵亭遠眺亭已久廢附建之甘露寺亦待修理列爲第九景雙童積雪距城較遠又無院宇點綴其間層巖相依橫空無際但宜於遠望而已列爲第十景

舊志原詩
俱載藝文

附考九九老人丁正中素園集有松川十景題曰西屏秋月百仞春雲雲巖積翠龍溪錦浪楓林夕照松嶺晚鐘南巖霽雪上方仙蹟白雲煙雨梅隄晴嵐大同小異並錄之

以資考鏡

詩載
藝文



松陽縣志


卷首

圖說

三一

望松夜月爲松陽十景之冠在城北鳳臻門外百餘步相傳爲王右軍望松處有石級十六層俗名爲望松嶺實則道途平坦乃古市通衢並非高嶺上有望松禪院頗宏麗供太保温瓊於此每歲仲春迎賽逐瘟鄉民麇集舉國若狂考松陽置縣始於漢其地在長松山之陽故名松陽王右軍名羲之晉會稽人松陽附屬會稽因事來茲容或有之

北城選勝覓清陰一曲松風萬籟吟豔說右軍遺蹟在時來步月慢追尋



松陽縣志


卷首

圖說

三三一

雲巖石屋爲松陽十景之二在望松禪院後里許峭壁巉
崑如雲鬢佛髻有上下兩石龕下龕高丈許深廣各三丈
正方如屋屋外接造堂楹層級達上龕高廣略遜形成三
角加以人工亦足容人龕外建三層樓可以憑欄遠眺最
饒興趣又有丹泉月池天門仙橋之勝遊人消夏納涼如
入廣寒清虛之府不啻一洞天也
石壑峻嶒縱大觀依稀宮殿列雲端此中若奏霓裳曲猶
是人間一廣寒

松陽縣志
卷首
圖說
三三



松陽縣志

卷首

圖說

三三

石筍仙踪爲松陽十景之三在縣西五里削壁層巒窮極
奇峭雙峰對峙尖聳如筍中有秀峰觀供奉呂純陽仙師
扶鸞題詩每多雅句文人學士恆聚於此峰前鐫題野鶴
歸來四大字筆致秀雅惜沒其名

雙峰壁立似天開石籀磷磷不點埃欲覓仙踪何處是言
隨野鶴未歸來



松陽縣志

卷首

圖說

三四

凌霄嵐翠爲松陽十景之四在城西金屏門外半里西屏山之麓有米襄陽題崖凌霄臺三大字舊有亭臺院宇招僧供佛現復添築數楹擬設圖書館於此然山境清幽固足爲讀書之所而松陰橫沍又恐多蠹蝕之虞上有白鶴殿後有偃月池大旱不竭層嵐疊翠望迢迢高閣憑凌上九霄更有圖書重假館石渠天祿共名標



松陽縣志

卷首

圖說

三五

百仞雲峰爲松陽十景之五在城南濟川門外南岸孤峰
獨擎高逾百仞相傳昔人量日影得之又云此峰向南背
北形同蟾躍反面如角弓故松邑民風少團體此則惑於
形家之說不足據也然秀占一方與桂林獨秀峰相媲美
亦足以稱雄耳峰顛舊有蟾峰閣太乙亭今廢下有太慈
寺瑞現夫人廟香火頗盛

山城近對最高峰如在蒼蒼雲氣中爭似桂林誇獨秀東
南山水亦稱雄

松陽縣志
卷首
圖說
第六景
松陽



松陽縣志

卷首

圖說

三六

塔溪綠漲爲松陽十景之六在濟川門外赤塔埠兩堰交
通灌田萬頃春雨初漲臨溪望之碧色連天不啻船如天
上坐焉相傳昔有赤塔久被沖廢並城門亦蕩然無存今
則遙望青蒙高塔夕陽倒影掩映溪流亦有興趣撫今思
昔不免滄桑之慨矣

春水漫漫賦濟川江天一色錄無邊至今赤塔知何處留
得清溪灌萬田



松陽縣志

卷首

圖說


三七

柳池魚躍爲松陽十景之七在城北天后宮之西廂昔年
綠陰垂釣宛若隋隄乃魚柳俱亡已非一日光緒壬辰

煥

曾讀書於此爲補種垂柳數株畜鯉數尾暇輒凭欄風景
依然嘗吟春煖觀魚躍之句後於戊戌果捷春闈亦先機
歟民國庚申閩商釀修天后宮池東添建一亭而荒蕪如
故苟將此地改造噴水池尤爲絕妙勝景也

記曾補種柳干絲搖曳春波影滿池倖得登龍償夙願當
年躍鯉已先知




松陽縣志

卷首

圖說

三八

梅墩春色爲松陽十景之八在縣西五里上方山前舊志
載上方福安寺卽今延慶寺前行六七十步有梅花墩今
墩已不存梅僅有小葉村數株其地與小赤壁小桃源相
接壤延慶寺塔巍然相襯唐宋名人恆隱於此想當年梅
雪爭春騷人擱筆頓忘其爲孤山處士之勝焉
昔年湖畔慣尋芳放棹孤山問短長此日梅墩重選勝何
來處士共唵香



松陽縣志

卷首

圖說

三九

郵亭遠眺爲松陽十景之九在縣東半里甘露堂前昔爲
接詔迎官之所道通括郡路達京華一望平疇遠風交送
倚亭閒眺具有扶搖萬里之思昔人朐建斯亭其意亦深
遠也惜亭廢已久今則甘露堂亦頽壞不堪是在有保留
勝境之責者急起而倡修之

一望平疇草色青春郊半里到長亭往來多少蓬瀛客萬
里沖霄此發硯



松陽縣志

卷首

圖說

四十

雙童積雪爲松陽十景之殿在縣南十里界於南巖白雲
兩山之間雙巖竝立如童子相倚負俗名二童講書每值
嚴冬峰頭積雪在清源空等處正面望之宛若兩人相對
禿然露頂情形畢肖在白雲山上望其側面如禿僧負婦
故俗又名石和尚背老婆巖麓又有巨石形如獅子

講書不輟此頑童兀立峰頭笑晚風歷盡寒山天作雪窮

經皓首白蓬蓬

煥年逾六旬歷盡坎坷鬚髮全白書此並以自況

民國乙丑新秋總編輯高煥然記並題